

Preondactylus

Se Vükiped: sikloped libik

Elaf **Preondactylus** äbinon pterosaur labü göb lunik, kel älifon dü Triat uto, kö atimo binon Litaliyän. Pätüvon fa hiel Nando Buffarini ün 1982 nilü Udine in fälid: Preone eledas Alps Litaliyänik.

Ven pätüvon balidnaedo, stonablög (binü zemaston) labü fösil ela *Preondactylus* päbreikon ad dileds anik dü sesebam. Posä dönu päkobioplodon, ston pälavon e päklinükon, dat äblibon nüped. Bomem balid, pädäbreiköl, pätüvon ün 1984 dis tal mö mets 150-200. Älabon lunoti zimmetas 45, e luveratiko äbinon fidäd ravanima seimik bü yels 220-balion.

El *Preondactylus* älabon tutis piramidaformik, o. b. labü tipot te bal a tut. Fid onik äbinädon me fits, näsäks u bofikafs; kluds, kels tutabinod onik kanon mögükön in tef at, nog padöbatons. Älabon flitämis brefik e lögis lunik. Bid at palelogon as primöfik bevü pterosaurs, do äbinon nendoto flitaf äfivolföl.

El *Preondactylus* äsümon ad röletaf onik: elaf *Dorygnathus*.

Literat

- Cranfield, Edit. 2000. *Dinosaurs and other Prehistoric Creatures*. Salamander Books, pads: 284-285.
- Wellnhofer, Peter. 1991. *Illustrated Encyclopedia of Pterosaurs*. Crescent Books.

<i>Preondactylus</i> <div>Timäd fösilik: Triassic</div>
 <div>Elaf <i>Preondactylus buffarinii</i>.</div>
Dadiläd nolavik
Regnum: Animalia
Phylum: Chordata
Classis: Sauropsida
Ordo: Pterosauria
Subordo: Rhamphorhynchoidea
Familia: Rhamphorhynchidae
Genus: <i>Preondactylus</i>
Species: <i>P. buffarinii</i>
Telnem
<i>Preondactylus buffarinii</i> <div>Wild, 1983</div>

Yüms plödik

In Linglänapük:

- Magods ela *Preondactylus* (<http://pterosaurinfo.com/preondactylus.html>).
- El *Preondactylus* (<http://wiki.cotch.net/index.php?title=Preondactylus&redirect=no>) lä bevüresodatopäd: *EvoWiki.org*.

Pekopiedon se „<https://vo.wikipedia.org/w/index.php?title=Preondactylus&oldid=3059112>“

Pad at pävotükon lätiküno tü düp 07:02, ün 2013 mázul 11id.

Text is available under the Creative Commons Attribution-ShareAlike License; additional terms may apply. See Terms of Use for details.